



Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 11. Brunsvicensis Senatus caussa adversus Henricum Julium Ducem.

[urn:nbn:de:hbz:466:1-67313](#)

Sæc. XVII. nati non modo seriis sese negotiis sub-
 A.C. 1611. traherent, sed etiam cum ingenti fa-
 miliæ & honoris dispendio patrimonium
 prodigerent, & ære alieno gravati fi-
 dem fallerent, suosque creditores tur-
 piter circumvenirent. Huic ergo malo,
 ut Rex tempestivo occurreret remedio,
 die trigesima Maji edicto per universum
 Regnum promulgato hunc lusum indi-
 citis gravioribus pœnis inhibuit. Ea-
 dem severitate Rex innovabat edictum
 contra Duellantib[us] ab Henrico Patre suo
 conditum; cum enim quidam hanc le-
 gem eluderent, sub obtentu, quod
 non ex condicto, sed casu forte in lusu
 verbulo offensi, ad duella devenerint,
 hinc Rex suo edicto hanc quoque for-
 tuiti concursus simulationem reprobans
 in transgressores pœnam capitis sta-
 tuebat.

§. XI.

*Brunsvicensis Senatus caussa adver-
sus Henricum Julium Ducem.*

*Merc. Galla-
belg. annal.
tom. 6. l. 4.
& tom. 7.
lib. 1.
Joan. Taut.
in disc. de
Rerum.* Jam ab anno Christi millesimo sexcen-
 tesimo quinto ingens servebat dissid-
 dium inter Senatum Brunsvicensem, &
 Henricum Julium Ducem, qui Bruns-
 vicum urbem sibi hæreditariæ successio-
 nis jure plane subjectam contendens
 eandem cinxerat, sed Cæsaris edicto
 obsidio-

obsidionem solvere compulsus fuit. Cum Sæc. XVII.
autem Dux Cæsari assiduam, fidamque A.C. 1611.
semper operam usque adeo præstisset,
ut vix non Mathæ Regis indignationem *Londorp.*
incurrisset, Rudolphus Imperator di-^{tom. 3.}
scussis caussæ meritis, ac diu in Judi-^{Lib. XII.}
cio aulico agitatis, Brunsvicensem Se-
natum, cum ad amica consilia pertrahi,
haud posset, die quinta Junii proscri-
ptionis severitate compellere statuit,
missò hanc in rem faciali Cæsareo, de
cujus tamen adventu Senatus certior
factus, eundem monebat, ne urbem in-
grederetur, a civibus male multan-
dus: Senatores tamen ad illum egressi,
Cæsar's mandatum cum solita reve-
rentia exceperunt, dimisso dein Fæ-
ciali Cæsareo, quem tamen cives tur-
matim ex urbe excurrentes convitiis
non modo, sed & luto & lapidibus pro-
pulsarunt, ejusmodi petulantissimæ Cæsa-
ris auctoritatem vilipendere jam assueti.
Nihilominus indulgentissimus Impera-
tor adhuc poenam suspendit, ac comi-
tiis die vigesima quinta ejusdem Men-
sis Halberstadii habitis per suos Lega-
tos eis rursus significari præcepit, ut
intra annum Duci satisfacerent, si ve-
ro non parerent, procriptionis decre-
tum contra eos promulgandum esset.
Cum igitur caussæ suæ patrocinium a
Cæsare sibi polliceri haud possent, Ma-

Sæc. XVII. thiam Regem, deprecantibus Anfeati-
 A. C. 1611. carum civitatum Legatis, convenere,
 supplices, ut eos adversus iniquam vim
 protegere dignaretur: quoniam vero in
 præfato proscriptionis diplomate ipsis
 exprobratum fuisset, quod Duci insidias
 struxeriat, & per exploratores, & in-
 cendiarios plurima damna intulerint,
 hinc edicto publico profitebantur, ea
 ipliis nequidem in mentem venisse, sed
 duntaxat pro necessaria defensione pau-
 cos milites conscripsisse. Suffragaban-
 tur eis Uniti Principes Protestantes,
 qui in Rotenburgensi Conventu statue-
 bant, quod Cæsareæ proscriptionis pro-
 mulgatio in eorum ditionibus non esset
 permittenda. Hæc tamen caufa ob-
 eunte Cæsare aliquamdiu suspensa hæsit.

§. XII.

*Protestantium Aquisgranenium tu-
 multus nondum sedatus.*

*Merc. Gal-
 lobelg. annal.
 tom. 7. l. I.
 Ludolph.
 l. 11. cap. 2.
 num. 30.
 Khevenhill.
 tom. 7.
 pag. 406.*

Crescebat indies Aquisgranenium Pro-
 testantium petulantia, ac ipsa tem-
 poris mora malum tantopere invalesce-
 bat, ut ex privato tumultu commune
 inter Catholicos & Protestantes bellum
 enasci timeretur, cuius flamas, ut
 tempestive extinquerent, Juliacenses
 Principes Brandenburgicus & Neobur-
 gensis, suos eo Legatos decreverunt,
 qui